



ՕՏԱՐ ԵԿԵՂԵՑԻ

ՊԱՏՐԻԱՐՔ ՆԻԿՈՂԻՄԻ ՎԵՐԱԴԱՐՁԸ ՌՈՒՄԻՆԻԱ

ՐՈՒՄԱՐԵՍՏ, 9 նոյեմբերի (ՏԱՍՍ).— Դեմոկրատական պատրիարքների բլոկի մամուլը ընդարձակ կերպով նշեց Ռումինիայի պատրիարք Նիկոդիմի վերադարձը, որն երեկ Բուխարեստ ժամանեց իր դեպի Մոսկվա կատարած ուղևորությունից հետո: Կայարանում պատրիարքին դիմավորեց կառավարության անդամների մի խումբ՝ դոկտոր Պետրու Գրոզայի և Տատարեսկուի գլխավորությամբ, նմանապես նաև Ռումինիայում ՍՍՌՄ-ի դեսպանորդ ընկ. Քավթարաձեն:

Կայարանում պատրիարքը ռումինական մամուլի ներկայացուցիչներին հետևյալ հայտարարությունն արեց. «Ռումինական եկեղեցական պատվիրակության այցելությամբ Մոսկվա՝ վերանորոգվում են տասնյակ տարիներով խզված այն սեյտ կապերը, որոնք գոյություն ունեին ռումինական և ռուսական եկեղեցիների միջև: Են հավաստիացա, — ասաց պատրիարք Նիկոդիմը, — որ ՍՍՌՄ-ում երաշխավորված է պաշտամունքների ազա-

տությունը, որ պրավոսլավ եկեղեցին օգտվում է պետական իշխանության ուղադրությունից ու աջակցությունից, շնորհիվ նրան, որ պրավոսլավ հոգևորականությունը կարողացավ նոր ժամանակի ուժին լծվել»:

Պատրիարք Նիկոդիմն ընդգծեց նաև, որ ռումինական եկեղեցական պատվիրակության այցելությունը շատ լավ տպավորություն է թողել ՍՍՌՄ-ի բոլոր եկեղեցական ու հասարակական շրջաններում: Մենք չենք կասկածում, որ մեր այցելությունը լայն չափով օժանդակեց ոչ միայն մեր եկեղեցիներին, այլ և մեր ժողովուրդների մերձեցմանը: Մեր տեսակցությունը Նորին Վեհափառություն պատրիարք Ալեկսիի, Մոսկվայի միտրոպոլիտ Նիկոլայի և ռուսաց եկեղեցու մյուս բարձրաստիճան հոգևորականների հետ չափազանց սրտանց էր: Մենք չափազանց հիացած ենք սովետական կուլտուրայի ու քաղաքակրթության մեր բոլոր տեսած հաջողություններով»:

